



Bosnia and Herzegovina
Federation of Bosnia and Herzegovina
CANTON SARAJEVO
ASSEMBLY

Komisija za sigurnost

Broj: 01-04-98-12 /24

Sarajevo, 24.05.2024. godine

SKUPŠTINA KANTONA SARAJEVO
- Kolegij

PREDMET: Informacija, dostavlja se

U prilogu dostavljamo Informaciju Komisije za sigurnost Skupštine Kantona Sarajevo u vezi sa predmetom "Ammar Kapidžić" na razmatranje.

Molimo da se Informacija uvrsti na dnevni red 16. Radne sjednice Skupštine Kantona Sarajevo.

S poštovanjem,



PREDSJEDAVAJUĆI KOMISIJE

Elvedin Okerić





Komisija za sigurnost

Broj: 01-04-98- 12 /24

Sarajevo, 10.05.2024. godine

**INFORMACIJA KOMISIJE ZA SIGURNOST SKUPŠTINE KANTONA SARAJEVO
U VEZI SA PREDMETOM „AMMAR KAPIDŽIĆ”**

Shodno Zaključku Komisije za sigurnost Skupštine Kantona Sarajevo sa sjednice održane 22.02.2024. godine na okolnosti – vezano za predmet broj 65 0 K 827615 20 K po optužnici Kantonalnog tužilaštva Kantona Sarajevo broj KT 146 473 19.

Analitički je obrađeno 15 dokumenata nastalih u periodu od 08.06.2019. godine do danas. Dokumenti se odnose na različite izvore u čiju pouzdanost nije sumnjano niti je provjeravana tačnost navedenih podataka

Dana 17.02.2021. godine Komisiji za sigurnost Skupštine Kantona Sarajevo obratila se advokat Adna N. Doboilić, kao punomoćenik oštećene porodice Kapidžić – vezano za predmet broj 65 0 K 827615 20 K po optužnici Kantonalnog tužilaštva Kantona Sarajevo broj KT 146 473 19 protiv O.A. I Š.A., u kojoj su isti optuženi i sudi im se kao pomagačima u ubistvu Kapidžić Ammara, a koji događaj se desio 08.06.2019. godine.

Advokat daje prijedlog: da se formira *ad hoc* komisija u istom sastavu kao i u predmetu Memić Dženan na čelu sa g. Š.N. Moli se brza reakcija obzirom da je Završna riječ u ovom predmetu zakazana za 10.03.2021. godine.

Indikacija: Advokat obrazlaže inicijativu na način „obzirom na nelogičnost prilikom izvođenja dokaza Tužilaštva te mnogih propusta u istrazi, a koje su rezultirale neoptuživanjem stvarnog počinioca ubistva i što je dovelo do potpuno pogrešne optužbe.

ANALITIČKI OSVRT: U pismenu se ne ukazuje na bilo koju radnju na osnovu koje bismo mogli spoznati eventualne nelogičnosti prilikom izvođenja dokaza Tužilaštva kao ni na bilo koji propust u istrazi iako se u pismenu kaže '**mnogih propusta**'.

Kao odgovor na inicijativu advokata Adne N. Doboilić, kao punomoćenika oštećene porodice Kapidžić - Komisija za sigurnost Skupštine Kantona Sarajevo je aktom broj 01-04-4598/21 od 25.02.2021. godine obavijestila o sljedećem: *Komisija za sigurnost Skupštine Kantona Sarajevo je na sjednici održanoj 25.02.2021. godine razmatrala zahtjev porodice Kapidžić da se formira ad hoc*

tijelo radi analize provedenih postupaka i istražnih radnji koje se odnose na ubistvo Ammara Kapidžića.

U navedenom aktu se navodi da je na predmetnu temu obavljen razgovor sa komesarom Nusretom Selimovićem i ministrom Admirom Katicom.

Na toj sjednici Komisije zauzet je stav da neko od zastupnika na sjednici Skupštine pokrene inicijativu vezano za formiranje ad hoc tijela koje bi ispitalo slučaj ubistva Ammara Kapidžića, te ukoliko Skupština usvoji predmetnu inicijativu, pokrenut će se aktivnosti formiranja predmetnog tijela, sa ovlaštenjima koja propisuje Zakon.

ANALITIČKI OSVRT: Iz akta ne vidimo da li je ovaj Zaključak Komisije i realizovan i zbog čega nije, da li je razlog zato što je inicijativu trebao pokrenuti 'neko', a ne konkretan član Skupštine Kantona.

Dana 08.07.2021. godine Skupština Kantona Sarajevo na 38. sjednici usvojila je Zaključak tadašnjeg zastupnika u Skupštini KS Elmedina Konaković kojim se od Uprave policije KS i Tužilaštva KS traži sveobuhvatna informacija, a po zahtjevu porodice Kapidžić iz Sarajeva vezano za krivično djelo ubistva.

Također, navedenim Zaključkom – zadužuje se Premijer Kantona Sarajevo sa Ministrom MUP-a i Ministricom pravde i uprave i predsjedavajućim Komisije za sigurnost, na predmetnu temu i po osnovu saznanja koja su dostavljena Komisiji za sigurnost, da zakažu sastanak sa Glavnom kantonalnom tužiteljicom KT KS, te eventualno drugim relevantnim osobama te da se upoznaju sa svim činjenicama vezanim za ovaj predmet, a po predstavi porodice Kapidžić.

Pored navedenog, SKS traži i očitovanje Federalnog tužilaštva po ovome predmetu kao nadležnog, a koje može i ima pravo vršiti uvide u predmet kantonalnih tužilaštava.

Po okončanju svih ovih postupaka SKS će na prijedlog Komisije za sigurnost SKS, koja će razmotriti sve gore navedeno po primitku svih informacija odlučiti o formiranju skupštinskog *ad hoc* tijela po ovom predmetu.

Također, Adna N. Doboilić, kao punomoćnik oštećene porodice Kapidžić – obratila se i Skupštini Kantona Sarajevo aktom od 02.03.2021. godine u predmetu utvrđivanja eventualnih propusta u istrazi vezano za ubistvo Kapidžić Ammara.

- a) Kako navodi punomoćnik, predmetnom događaju prisustvovalo je više lica, a obzirom da su bili popodnevni sati u ulici je bilo više svjedoka koji apsolutno nisu ispitani u svojstvu svjedoka, te nije utvrđen tačan broj lica u vozilu iz kojeg je ubijen Kapidžić Ammar.
- b) Također, kako tvrdi punomoćnik, nije urađeno DNK vještačenje automobila iz kojeg je Kapidžić Ammar ubijen.
- c) Nije urađeno balističko vještačenje istog automobila iz kojeg je izvršeno ubistvo na području Hercegovačko-neretvanskog kantona.
- d) Nije adekvatno izvršeno vještačenje odjeće Kapidžić Ammara.
- e) Nisu prikupljeni podaci o vlasništvu pištolja koji je pronađen na mjestu ubistva K.A., koji je bio u vozilu kada je ubijen Kapidžić Ammar, a koji je korišten prilikom ovog događaja.
- f) Nije urađena balistička usporedba čahura spornog pištolja korištenog u ubistvu Kapidžić Ammara i K.A.

- g) Nije utvrđeno ko je četvrto lice koje se nalazilo u vozilu iz kojeg je ubijen Kapidžić Ammar.
- h) Izuzeti videozapisi nisu analizirani niti vještačeni na adekvatan način.
- i) Nije izvršena rekonstrukcija događaja od 08.06.2019. godine.

Navedene stavke, odnosno propusti urađeni u istrazi, su dio netemeljito utvrđene istrage, a što je rezultiralo vjerovatno pogrešnim optuživanjem u predmetu koji se vodi pred Općinskim sudom u Sarajevu broj: 65 0 K 827615 20 K.

PRIJEDLOG: predlaže se da se ispitaju svi navodi kao i da porodica ubijenog Kapidžić Ammara bude saslušana na okolnosti događaja obzirom da su isti bili u neposrednoj blizini događaja, te da se njihove izjave nisu analizirale u toku istrage, stoga se predlaže formiranje *ad hoc* tima. Skreće se pažnja da se navedeno obavi prije okončanja predmeta pred Općinskim sudom u Sarajevu pred kojim je zakazano izlaganje završnih riječi za 10.03.2021. godine.

Slijedeći inicijativu Elmedina Konaković kojom se traži sveobuhvatna informacija, a po zahtjevu porodice Kapidžić iz Sarajeva vezano za krivično djelo ubistva, Skupština Kantona Sarajevo je dana 08.07.2021. godine pod brojem 01-04-23655 donijela **Zaključak** kojim se od Uprave policije i Kantonalnog tužilaštva Kantona Sarajevo traži sveobuhvatna informacija vezano za ubistvo Kapidžić Ammara.

Također, ovom prilikom je zadužen Premijer KS sa Ministrom MUP- a i Ministricom pravde i uprave i predsjedavajućim Komisije za sigurnost, na predmetnu temu i po osnovu saznanja koja su dostavljena Komisiji za sigurnost, da zakažu sastanak sa Glavnom kantonalnom tužiteljicom KT Kantona Sarajevo, te eventualno drugim relevantnim osobama te da se upoznaju sa svim činjenicama vezanim za ovaj predmet, a po predstavi porodice Kapidžić.

Skupština KS traži i očitovanje Federalnog tužilaštva po ovom predmetu, kao nadležnog a koje može i ima pravo vršiti uvide u predmet kantonalnih tužilaštava.

Po okončanju svih ovih postupaka Skupština KS će se na prijedlog Komisije za sigurnost SKS, koja će razmotriti sve gore navedeno po primitku svih informacija odlučiti o eventualnom formiranju skupštinskog *ad hoc* tijela u ovom predmetu.

Prema aktu Kantonalnog tužilaštva pod brojem A – 465/21 od 10.11.2021. godine koje je dostavljen Kabinetu premijera KS, a koji je napisan kao odgovor na traženu sveobuhvatnu informaciju o predmetu ubistva Kapidžić Ammara.

U odgovoru se kaže: „kako se radi o krivičnom predmetu broj T09 0 KT 0146473 19, obavještavamo vas da je ovo tužilaštvo dostavilo Federalnom tužilaštvu Federacije BiH tražene podatke, koje Vam je dostavilo odgovor svojim aktom T11 0 KTA 0005791 21 od 06.09.2021. godine. Obzirom na navedenu činjenicu, smatrali smo suvišnim dostavljanje iste informacije o statusu predmeta, jer je pravosudna institucija koja vrši nadzor to već učinila.

Ali tužilaštvo koristi priliku da je Tužilaštvo podiglo optužnicu zbog krivičnog djela pomoć učiniocu nakon izvršenog krivičnog djela iz člana 346 stav 2. u vezi stava 1. KZ F BiH, a sve u vezi sa članom 31. istog zakona.

Dalje, u aktu obavještavaju da je dana 14.01.2020. godine Općinski sud u Sarajevu potvrdio optužnicu.



Prema istom aktu, dana 09.06.2021. godine Sud je objavio presudu kojom optuženog I.A. oglasio krivim i izrekao mu kaznu zatvora od 2 (dvije) godine i 6 (šest) mjeseci, dok je optuženog Š.A. oslobodio optužbe.

Tužilaštvo cijeni da je njihovo postupanje u konkretnom predmetu bilo zakonito i efikasno, tim prije jer se radilo o pritvorskom predmetu.

Na kraju se kaže: Ujedno koristim priliku da Vas pozovem da, u slučaju da raspoložete sa novim činjenicama i dokazima koji bi doveli u pitanje pravilnost tužilačke odluke ili sudske odluke u predmetu, iste ostavite ovom Tužilaštvu ili Federalnom tužilaštvu Federacije BiH koje vrši nadzor nad postupanjem u ovom predmetu.

Aktom broj 02/3 -2-03-11-2124/21 od 06.08.2021. godine – Uprava policije MUP-a KS informiše vezano za Zaključke Skupštine Kantona Sarajevo broj 01-04-23655-1/21 od 08.07.2021. godine.

U Informaciji detaljno napisanoj na četiri strane, između ostalog, se kaže: „U skladu sa odredbama člana 236. ZKP-a FBiH sve radnje preduzete tokom uviđaja su u skladu sa pravilima struke zakonito dokumentovane i detaljno obrazložene u Zapisniku o obavljenom uviđaju u kojem su konstatovani i svi tragovi pronađeni na licu mjesta.“

Dalje, na osnovu obavljenih intervjua sa direktnim i posrednim svjedocima izvršenog predmetnog krivičnog djela, prikupljenih saznanja i obavještenja sa lica mjesta, policijski službenici Uprave policije su došli do operativnih podataka o vremenu i načinu dolaska na lice mjesta izvršioca krivičnog djela, tipu, marki i opisu vozila koje su koristili i mogućoj trasi kretanja prilikom bjekstva sa lica mjesta izvršenja ubistva.

Prema raspoloživim podacima u ovim operativnim aktivnostima, pored Tužilaštva koje je vodilo uviđaj i istražne radnje i službenika Uprave policije MUP-a KS, učestvovali su i: OSA-e BiH, MUP RS-e, MUP-a HNK.

Aktom broj 02/01-08-34541-2/21 od 21.10.2021. godine Skupštinu Kantona Sarajevo informiše Kabinet premijera Kantona Sarajevo. U ovoj Informaciji se navodi da je Kabinet premijera postupajući po Zaključcima Skupštine Kantona Sarajevo, donesenih na inicijativu Elmedina Konakovića – zatražio očitovanje Kantonalnog i Federalnog tužilaštva u vezi sa predmetnom predstavkom.

U prilogu ovog akta se nalazi odgovor Federalnog tužilaštva kojim federalna tužiteljica informiše Službu za skupštinske poslove o odgovoru Kantonalnog tužilaštva u vezi sa tokom predmeta T09 0 KT 014673 19 u kojem je 9.6.2021 Općinski sud u Sarajevu objavio presudu.

Shodno navedenom, a u cilju provedbe navedenog Zaključka, molimo Vas da predložite termin za održavanje sastanka sa Glavnom kantonalnom tužiteljicom Sabinom Sarajlijom, a o čemu će Kabinet Premijera izvijestiti ostale učesnike sastanka.

ANALITIČKI OSVRT: Iz pismena se nije moglo zaključiti da li je do ovog sastanka došlo i ako jeste šta su rezultati tog sastanka.



Federalno tužilaštvo Informacijom broj T11 0 KTA 0005791 21 od 21.09.2021. godine informiše premijera Kantona Sarajevo (g. Fortu) da je ovo tužilaštvo nakon zaprimanja predmetnog Zaključka dana 13.07.2021. godine od strane Službe za skupštinske poslove SKS, od strane Kantonalnog tužilaštva je zatražena relevantna informacija, kao i izjašnjenje postupajućeg kantonalnog tužioca, sa hronologijom do sada preduzetih radnji, te posebno podatke u kojoj fazi se nalazi navedeni predmet.

Dalje se u Informaciji Federalnog tužilaštva kaže: Nakon dobijanja relevantnih informacija od strane Glavne kantonalne tužiteljice, odnosno dana 06.09.2021. godine, dostavili smo informaciju u okvirima koliko je to bilo moguće, odnosno s obzirom na procesnu fazu, jer se predmetni spis nalazi pred Općinskim sudom u Sarajevu.

U aktu se navode i prilozi ove Informacije i to: kopije ovog Tužilaštva od 21.07.2021 i 06.09.2021. godine, ali Informacije od 21.07.2021 nema u prilogu ovog akta.

U Informaciji T11 0 KTA 0005791 21 od 06.09.2021. godine, kao odgovor na dopis broj 15-04-23655-1/21 informiše Službu za skupštinske poslove Skupštine Kantona Sarajevo (A. Z.) da je od strane Kantonalnog tužilaštva zatražena relevantna informacija, kao i izjašnjenje postupajućeg kantonalnog tužioca, sa hronologijom do sada preduzetih radnji, te posebno podatke u kojoj fazi se nalazi navedeni predmet, kao i da li je u međuvremenu, donesena konačna tužilačka odluka.

U ovoj informaciji se dalje navodi da su u konačnici, dana 30.08.2021. godine, između ostalog, obaviješteni da je dana 30.08.2021. godine pod brojem: T09 0 KT 0146473 19, sve nakon provedenog istražnog postupka, podignuta optužnica protiv I.A. i Š.A., zbog krivičnog djela iz člana 346. stav 2. u vezi sa stavom 1., sve i u vezi sa članom 31. KZ FBiH.

Također se ističe da ovo tužilaštvo nije upoznato sa sadržajem predstavke porodice Kapidžić, povodom koje je upućena inicijativa Skupštini Kantona Sarajevo, jer ista nije dostavljena ovom tužilaštvu, to će ovo tužilaštvo nakon dobijanja presude (u kojoj će nadležni sud iznijeti i ocjenu dokaznog postupka), kao i eventualno izjavljene žalbe, nakon analize svega dostavljenog, odnosno ukoliko se ukaže potreba, preduzeti dodatne radnje iz svoje nadležnosti, sve u skladu sa odredbama člana 9. Zakona o Federalnom tužilaštvu FBiH.

U Informaciji Federalnog tužilaštva T11 0 KTA 0005791 21 od 25.10.2022. godine, kao odgovor na dopis broj 15-04-23655-1/21 informiše Službu za skupštinske poslove Skupštine Kantona Sarajevo (A. Z.) da je ovo tužilaštvo u međuvremenu zaprimilo i zvaničnu informaciju da je povodom žalbi kantonalnog tužioca i odbrane optuženog I.A., a izjavljenih protiv prvostepene presude Općinskog suda u Sarajevu broj 65 0 K 827 615 20 K od 09.06.2021. godine (kojom je optuženi I.A. oglašen krivim zbog krivičnog djela Pomoć učiniocu nakon izvršenog krivičnog djela

Izjavljene žalbe su odbijene kao neosnovane te je potvrđena prvostepena presuda, data je analiza svih relevantnih dokaza pribavljenih tokom postupka, odnosno izvedenih tokom trajanja glavnih pretresa pred prvostepenim sudom.


Dana 27.07.2022. godine, tadašnji zastupnik u Skupštini KS Elmedin Konaković Komisiji za sigurnost SKS podnosi Inicijativu da se u skladu sa članovima 59, 60, 61. i 62. Zakona o unutrašnjim poslovima izvrši nadzor nad radom MUP-a KS u predmetu ubistva Ammara Kapidžića.



ZAKLJUČAK:

Nakon analitičkog sagledavanja ukupnog materijala može se izvući zaključak da se osnovni prigovor porodice Kapidžić odnosi na ne utvrđivanje činjeničnog stanja vezano za svjedoke i izvršioce krivičnog djela.

PRIJEDLOG: Komisija za sigurnost Skupštine Kantona Sarajevo je na osnovu svojih nadležnosti preduzela aktivnosti na sagledavanju predmetnog slučaja, te u skladu sa navedenim Skupštini Kantona Sarajevo predlaže da donese odluku o eventualnom daljem postupanju po ovom predmetu.



PREDSJEDAVAJUĆI KOMISIJE

Elvedin Okerić